



春水遺稿別錄

三

16
196
7



門 和 16
端 196
卷 7 止



新甫墓碣

賴元鼎字新甫稱權二郎藝藩教授賴惟完之嫡嗣也惟完長子襄有疾不得承宗祧養弟惟彊之子為嗣是為元鼎元鼎事惟完如親生父母視襄如同胞稍長為府學訓導惟完有長孫曰協元鼎常欲俟其長讓之及病篤眷眷言此沒年僅二十又六而已實文化乙亥正月廿八日葬于府城東南安養院其四月 藩命以協為嗣蓋 特典也嗚呼元鼎至性如此加之聰敏夙成研窮經藝頗有造詣旁為詞章往往超越儕輩使其存在亦足以負荷家業而涓埃



以

賦海吳叔變風楚屈原芝蘭就同臭桃李自無言
 肥筑多才傑篇章莫輕軒齊情遂齊物難弟又難昆
 過國思鄒辨講經是魯論偶尋揚子宅遂會辟疆園
 摘去葩為藻樹來堂憶萱火邦觀熱血宰府弔忠魂
 迹浪君如鳥心馳我似猿單身獨飄蕩九國可掀翻
 瞻望曾登閣歸來共對尊滿囊有珠玉須獻北堂尊

讀項羽傳

拔山之力竟為空一死不歸江以東若使當時不能
 死何由千古認英雄

春日與子成兄步城東花堤

吟步東郊日已斜桃紅李白鬪春華半堤錦繡燕泥
 馥滿渡舟船人語譁

少年行

章臺楊柳鬱金香停馬傾杯歌舞長散盡千金餘一
 劍又隨驃騎戰漁陽

八月十三夜曲江樓集分冷露無聲濕桂花七
 字得露字

行到曲江樓江天日亦暮香飄桂樹風珠墜梧桐露
 月出鳥皆驚水明魚可數坐深吟骨寒欲向天階步
 十五夜松雨山房小集時是鐘上人至自竹原

明日將去同賦得刪

良朋良夜相逢少
明月明年何處閑
一樽濁酒休辭
醉來夕思君君已還

十月望過脇明卿宅分韻同賦

東坡先生不復還
世間萬物與時新高天
獨有一輪
月七百年前知古人

過三津豐田氏

一榻涼風無點塵
江流洗暑滿三津
向榮荊樹三兄
弟卜隱桃源幾晉秦
水淨樓前月宜掬
林深檻外鳥
相馴何年我借漁
簑去與爾徜徉寂寞濱

丁卯正月歸省竹原途上口占

朝陽山畔日將斜
石逕縱橫傍水賒
欲獻尊親無一
物春風林下折梅花

花邊酌月

香風十里引吾衣
行度溪橋已夕暉
水勢急時圓月
碎鐘聲動處落花飛
杯樽今夜醉宜盡
風雨幾年期
易違不以千金換
一刻步隨艷影共依依

甲子樓集

月色沈流滅復明
微雲小雨欲三更
自知夜坐吟哦
久橋上終收響
蹀聲

春日陪家君遊東郊柏原山

孤舟棹去復巾車昨問漁家今道家古渡半篙春水漲長橋一帶夕陽斜林塘鶯囀留吟杖野店花開賣椀茶行樂方扶老翁病嬉遊不是弄風華

題畫山水

鷗歸空渚在人去落花深獨觀雲出岫與我共無心

春夜步月

溪流紆曲路縱橫微醉低吟且緩行行到橋頭月漸出雲峰何處杜鵑鳴

江村即事

袷衣纔換葛衣裳晚步橋南買早涼欸乃一聲人不見殘陽猶自在帆樯

雨夜有懷春風大人在鎮西

蕭蕭風雨夜方闌千里懷人人未還無恙西窓燈一點不知何處是巴山

雨夜泊舟

連夜陰雲暗碧津殘紅一點意空親篷窓時聽隣舩語俱是南歸苦雨人

高崎路上次君龍韻

野艇人歸著鷺看魚兒水淨鏡中看孤筇短帽沙村

路料得人爲畫圖看

遊尾路過平田氏觀二媛畫

吟脚欲搜詩境閑奚囊經過幾江山不如君在深閨
裡淮碧楚青心匠間

丁卯歲暮午菴集分得蕭

主人之莊甲子樓災

甲子樓成委燬焦午菴風月尚逍遙示吾今歲新詩
草集就應題丁卯橋

丁卯除夕得寒字

詩窮自覺鬢將斑浮蟻流螺強作歡春回柳綠梅紅
裡年莫心耕筆擣間青雲千里人先老白屋三間夜

更寒探春他日何處是夢在三原第一灣

兩容戊辰元旦依家大人韻

曉星數點動晨霞一片春光到萬家倦枕未回前夜
夢殘燈猶見隔年花觀今聞慣吠聲犬論古畫成添
足蛇事業終知無尺紙滿窓梅柳起吾嗟

松蘿窟集與家翁及諸老同賦分得麻韻

吟筇兩兩小蹊斜怪石珍松傲吏家祿隱唯容留客
話詩豪未必向人誇一痕殘月杯波凸半牖微風燭
焰了三十年前談往事向吾歎息鬢絲華

送館林生歸豐後用其留別韻

新竹黃梅又一年孤簷萬里向西還天低鷗背浮沈
處人在櫓牙嘔軋間詩瘦三春生白髮旅魂昨夜夢
青山歸家應及鱸魚節短棹秋風下故關

梅雨訪隱士

課題

水烟一抹壓輕艇認得西湖處士家疎影橫斜舊遊
處黃梅滿地雨如麻

苦熱

開書倦腕不堪擎落日平西夢始醒餘炎漸斂忽成
雨窗外芭蕉潑眼青

驟雨

林梢忽失夕陽明簷際銀條大若繩潑墨侵簾鉤影
沒跳珠滿屋瓦聲騰池塘露滴驚眠鴨杯罌風生掃
黏蠅別有吾曹快心事晚涼聚首剪吟燈

美人出浴

出水亭亭白玉姿侍兒新薦碧衫衣趁涼漫向池邊
去皓月滿身不自知

丁祭畢席上用家翁韻

衣裳冉冉帶風輕多少英髦各上鬢十歲講經猶素
志一身許國是丹誠明星三五城雲曙旭日高低泮
水晴傳命年年茲賜宴葵心誰不向陽傾

仲秋十三夜泛遊逢雨得青字

水波不起雨冥冥
津樹汀蘆潑眼青
咫尺長橋人不見
履聲都在霧中聽

舟至小壺

篷底微寒夢始回
曉光明滅小燈臺
山迴岸轉如無路
不識舟從何處來

江春入舊年

一卧滄江上年光
夢裡移谷寒鶯舌
澁水暖鴨心知臘
雪迎行艇柔風動
釣絲梅花春己好
何處寄相思
江亭春晴得江

花柳籠烟冑碧窓
高亭留客倒春缸
微瀾不起明如鏡
無數香魚上晚江

松雨山房小集得豪

素朴存遺訓
迎賓酌濁醪
家寒燈影小
巷僻柝聲高
社侶成千古
吾翁歎二毛
西窓俱話舊
歲月一滔滔
送梅園教授之江戶得魚

箕裘繼業日
雨露受恩初
陳力報知己
育英期起予
離歌廣陵散
異味武昌魚
君子雖于役
風光亦樂胥
薄暮驟雨

狂風吹夢夢方酣
雲脚襯山藏翠尖
忽有隣童來告

我晒書滿架雨侵簾

雜感

物我曾知不可齊
隨緣苟足一枝棲
論心自笑揚州鶴
成事堪羞越國鷄
村笛隔烟秋斷續
野航載月夜東西
故人莫唱歸來賦
脩竹崇山似會稽

幼齡爲客膽輪困
不解秋風數憶尊
寧道王侯原有種
自期堯舜是何人
刀身徒爾藏三尺
筆力誰能舉萬鈞
耿耿斯心無與語
一燈永夜獨相親

集後赤壁賦中字作十律

行歌也相答二客此從遊
將過黃泥阪與登赤壁舟

山鳴聽木葉水落俯江流
斷岸一千尺凜乎不可留
寂寥夜將半顧笑羽衣過
疇昔掠予者嗚呼非子耶
江山曾無識日月已幾何
山鳴谷答處長嘯起東坡
雪堂不可上斷岸俯江臯
安得橫江翅乃攀栖鷗巢
嘯歌聽水湧名姓仰山高
有客答良夜携來酒與肴
幽宮留二客葉脫月輪孤
藏酒有時有得魚無日無
江山應俛仰遊樂亦須臾
赤壁已疇昔東坡安在乎
赤壁曾流落長歌復自悲
行藏謀道士日月問馮夷
石出攝衣處山高開戶時
須臾予就睡夢與縞衣飛
孤鶴橫江去高飛不可從
噫予非虎豹何日出蒙茸

行步攀栖鶻悲歌起睡龍細鱗將斗酒此地乃黃江
十月日過十良夜客是良中流聽所止斗酒亦能藏
無復縞衣白曾知我口黃悲鳴長就網何處問玄裳
山高月影小行樂夜何如久矣無知己劃然復起予
赤壁孤飛鶴松江巨口魚顧安所得酒謀婦亦藏諸
高堂四顧寂風起鶴悲鳴明月車輪上巉巖虎豹橫
羽衣是何物道士俛無聲驚悟無其處不曾言姓名
有客如無酒婦能待不時風清人影動月白羽衣飛
赤壁知何處玄裳夢已非高歌震草木予亦悄然悲
山窓聽禽

料峭無人問我家黃鶯獨自報春華著意聽時聞不
得斜陽一半在簷牙

春草

萋萋似有情寸寸不知名應送客衣去莫從愁處生
輕烟籠晚渚細雨帶春城唯恐人多少踏青放意行
東郊觀桃
燕語呢喃城雨晴斜陽明處板橋橫夾川列植萬餘
樹舟在桃花紅底行

要江戶土屋七郎會牛山園亭分得發字
雨過新樹藏山骨燕子銜泥泥尚滑何計同人于野

同深欣發夕履予發四海弟兄此邀君三春風物纔
半月地偏無物充供給獨有隣翁分紫蕨

春川笠釣

門在溪流曲處開桃花隔岸錦成堆戴笠磯頭朝試
釣魚兒時逐墜紅來

田家春興

昨夜滿庭風雨聲曉鶯呼夢夢初醒掩門猶自聽殘
滴田麥知抽幾寸青

水邊步月

滿江湖水晚晴初風過漣漪卷且舒記起鄉園十年

事石橋乘月夜叉魚

古賀精里先生宅集同諸子賦分得韻元

以下五首

係在江戶作

官園幽寂似山園至後氤氳氣始暄會友常遊詩世
界育英俱溯道淵源豈言父執殘星少深喜吾師太
岳存盡日坐談心既醉春風早覺滿君門

又得韻青

斗山凝望幾霜星豈計龍門數奉肩報國劍猶三尺
紫傳家鑪自一團青携來文苑鳳毛美留得故園荆
樹馨堪愧大醇名士會坐間獨著次公醒

冬暖如春

聞說燕都地勢偏三冬寒氣透裘纒今年偶爾來為
客十月晴暄未著綿

歲暮從春草大人在霞關學舍分得咸字

相從書劍歲嶮嵌萬斛羈愁不可減曾擬仲容隨大
阮還如老杜問阿咸人生百事眉多蹙臘酒三杯笑
半銜聚首膳書燈影冷時聽殘雪落松杉

歸卧堂集奉送精里先生之對州接韓使分得

花字

叙別琴樽侍絳紗使星遙指海西涯談經簡易阮三

語作賦警通溫八叉手縮龍蛇草朝制胸儲兵甲
奉皇華散材我不勝羈縻安得隨君屬後車

先發江戶

轂擊肩摩簇錦鞵笙歌如湧酒如泉莫笑并門賈無
本周年瞑目此談禪

踰箱嶺

山路遙通落日西千章夏木翠雲低金衣公子淹留
甚猶與蜀王相對啼

雨重今茲春風大人東遊到江戶先發西歸余到伏
水忽得邂逅賦此志喜

客舍兼旬向我憑後先分路兩擔簦豈圖伏水橋邊
雨重剪西窓一夜燈

吟行傍水

歌吹聲疎月色移長橋一帶落漣漪吟人何處追涼
去及此遊塵已斂時

明月應命

彼美無私照四方所具瞻陰靈珠吐澤坎德鏡開奩
明威燭火熄昭鑒魚龍潛天官攀不得秋鎖水精簾

阿州赤松子亭來偶賦示

曾有椿闡遺命含一簦千里此重擔新知却據通家

故北學行看吾道南粗糲授餐秋味淡寒燈分影雨
聲酣囑君能守斷機教業就應無古訓慙

寒林圖

半幅冰紈看怎生描成老樹幾崢嶸愁無殘葉庇棲
鳥昨夜滿林風雨聲

雙生島 御盥十勝節四

比肩孰少長雙髻翠雲鬆半江明落日波底影重重
日暮東風崎

松影分魚隊蘆花沒鷺群脈脈人家近鐘聲隔水聞

白斤人

漁歌不見人雁語數聲櫓蕭條三兩家日暮秋江雨
 日落潮痕濕沙禽取次飛岸轉迷來路孤舟傍晚磯
 曾隨家叔閱秋瓜憶在霞關餞歲華椒酒三元開解
 舍挑符幾處上公家狂風城外多揚屋積雪門前欲
 沒車惆悵今年亦將晏回頭往事夢魂賒

泛遊疊春風大人韻

候得朝晴又出門艤舟准擬向江村舟子招招須我
 久已看橋脚露潮痕

茅屋臨江半掩門數株梅壓數家村自訝飄然天上
 坐簟波春穩劃舟痕

遙聽東風咽海門雲開次第見前村滿江點點成紋
 處忽見狂瀾亂雨痕

曉發竹原

曉光帶雨未全開兩畔溪流觸石鳴十日春泥十里
 路籃輿軋軋載眠行

赤松士亨乞余題梅花扇面走筆戲題

便面梅花寫入神香風恰好拂炎塵羅浮一覺醒春
 夢來伴羲皇已上人

水檻觀魚

池纔不盈尺魚跳水作漪檐峯迷倒影窓日眩晴曦
箇裡樂哉樂何論知不知洋洋適吾性倚檻也多時

九日依石豐洲韻

秋期復此問桑麻十畝田園趣更加豈計今朝同菊
酒堪知昨夜卜燈花茱萸佳節俱扶老風雨重陽暫
在家復見南山得新句微醺揮筆字塗鴉

二月四日舟歸廣嶋

待潮潮未應落日鳥相呼蘆荻沙間路行人看欲無
遊柏原山池贈道光上人分得帆字

山光水色欲侵衫開著南軒倚蘄嵌鴉背殘雲藏遠
樹鷗邊落日送歸帆偶參獅子高僧座莫笑龍孫太
守饒相見匆匆復為別吟心搖曳若風縲

仲夏待雨

秧田寸寸未舒苗引水脩溝背欲焦人事桔槔堪可
識去年淫雨水衝橋

晚步

携杖追涼柳外村晚風一陣水花翻今年春夏尤多
雨崩岸欹橋認漲痕

送今井井上二子歸鄉

春水遺稿附錄 十四
二子三年侍董帷父兄肯怪報歸遲北海濱猶存大
老東家丘自有餘師春草池頭歲云晏白雲山上秋
爲期一夜扁舟千里遠高懸明月照相思

安期生贊

白帝鴻基累卵危猶遊海上竟安期笑他連弩射鮫
手不殪趙高將李斯

黃泉一首有感而作

黃泉歸彼土黎首棄斯民慘雪飄牆翼愁雲送轉輪
夜舟遊北斗輓鐸出西閩白日方停午靈辰次季辛
宛其百年後葛爾一抔新玉押輝窀穸金鳧守夙晨

弔書馳羽檄法賻賜封銀誅議須相頌挽詞請敢陳
躬聽持政柄獨化轉陶鈞陰德見龍伏謙光屈蠖伸
施三新令降畫一舊章申輿誦不容口群譏誰及唇
風靡民改聚露積粟陳因行部隨車兩趨治有脚春
皞皞民俗厚濟濟士風淳教養輸心腹賜予慎笑顰
鼓鞞常講素殼騎復爲真鳥銃搖山岳狼烟警海垠
畫圖陳馬米羈縲控鯤人驅馬電星疾揮鎗風雨頻
匣刀磨楚鐵鞭矢矯淇箇藩邸嚴戎衛社倉恤食貧
防淫放鄭衛唱道尚關閩宴謝東山妓堂辭北海醇
鷗絃容瞽者猴舞畜俳臣游豫諸侯度貽謀數世仁

設芋情不薄，棟夢相親政事懸。峩冕考槃戴角巾，
菟裘老將至泮水。德成隣絃誦俱連茹，威儀賦采芹。
楣間標學範，席上設儒珍。家世起閭伍，君恩罕比倫。
傳經擬劉向，執筆耻顏竣。夏楚雜瓠鼎，鼓篋交玉珉。
功無效尺寸，志未報涓塵。舍我將何適，號呼向九旻。
癸酉除夜同塾生賦得梅字

人間無奈兔烏催，堂上雙親鬢髮摧。

人在燈烟消處，盡春從爐火煖邊來。

三冬待疾操湯藥，百事關心付酒杯。

最喜嚴闈新病起，明朝負劍問江梅。

春晴

係甲戌

桃林花信定何如，滿地臙脂過雨餘。
風軟東郊青草合，春泥不復印公車。

水雲亭集分得多字事見手詩

路塵不動穩池波，此境昨逢

公駕過七字更添新雨露，滿園花木主恩多。

端午志喜

時在竹原弟尚平以今歲二月舉男

午日家家設假兵，雙瓶認得我家章。
旗竿衝空長百尺，上畫村上彥四郎維。
昔彼蒼假汝手，挽回日月復生光。
叱咤風生千人廢，當年大節凜秋霜。
無奈功名歸畫餅，前虎已殪又後狼。
君不見二百餘年世雍熙。

多少器械供兒嬉春草池塘熊羆兆呱呱促膝見岐
嶷間門歡聲人若市呼致乃叔同酒卮金鎗映日榴
花亂綵章搖風影陸離吁汝生來太平世桑弧蓬矢
復何為語汝元弘年間事先登文壇舉敵旗

初秋所見

微涼昨夜入郊墟四壁蟲聲新雨餘綠竹繞檐燈一
點不知這裡讀何書

春水遺稿附錄終

春水遺稿附錄終

新甫才情敏邁咄嗟千言故篇什甚富此冊刪繁
存簡贈金子熊介元韻排律係其十六七歲作特
收之以見一斑他有辛未除夜佳韻長律壬申七
月既望質韻七古皆對客揮毫驅使經史足驚駭
一時人目而非所以不朽新甫故不復收至如黃
泉三十六韻紀述詳贍彷彿詩史卓然可存其八
句詩全篇不稱而佳句可誦者五言如斜風分雨
脚曲岸納潮頭歸潮添暮雨落葉動秋聲傾杯月
須吸試步影相隨日落遙山小天晴遠樹分秋風
鳴亂竹月色帶殘燈庭暗山無影舟過水有痕荷

沼魚吹雨書窓燕帶風
世事波瀾外花時風雨間
英雄多失路富貴附浮雲
七言如春到南枝梅已
發月來北牖夜偏長
晚渡喧時群鷺散夕陽
明處見孤舟出樹一燈
連月色點空孤雁度秋
風短檠題句人摩眼古
鼎分羹客拂鬚吟心慘
淡舒臨水病骨伶俜早
覺秋狂蝶衣殘風有力
老猿夢斷月先知野艇
無人傍堤柳高樓隔水
有簷花鄰闥弄簫人未
寐高城吹角夜如何秋
高湖雁向南逝日落天
風從北來今日氣方非
淮海半生身自在華胥
一富一貧全舊好某邱
某水問幽棲世路鵬程

曾決起家山鶴唳更歸來
皆不愧才人吐屬惜其
心肝埋沒故紙間故摘錄
附此裏識

